

叢書集成續編

一八〇

新文豐出版公司印行

叢書集成續編 第一八〇冊目錄

文學類



詩別集——清

澹庵自娛草二卷詞牘一卷附錄一卷	清	金應澍撰	江陰	一
仲安遺草一卷	清	金和撰	江陰	四一
思過齋雜體詩存十二卷	清	蕭培元撰	雲南	四九
慧珠閣詩鈔一卷附錄一卷	清	多隆阿撰	遼海	八九
玉鑑堂詩集六卷	清	汪日楨撰	吳興	一〇五
廿我齋詩稿二卷	清	尹藝撰	雲南	一七三
李叔豹遺詩一卷	清	李熙文撰	雲南	二五五
壽花軒詩略一卷	清	汪懋芳撰	荔牆	二八五
醇雅堂詩略六卷	清	阮鏞撰	金陵叢書	二九三
子尚詩存一卷	清	車書撰	金陵叢書	三四五
青霞仙館詩錄一卷	清	王城撰	清頌堂	三五五
大瓠堂詩錄八卷	清	孫周撰	觀自得齋	三七一
澹如軒詩一卷	清	朱鎮撰	蕙風	四四五
小方壺試律詩二卷附錄一卷	清	孫馮撰	古棠書屋	四四五
半農草舍詩選四卷	清	張廷棟撰	涉園	四六九
清籟閣詩鈔八卷	清	潘貞敏著	懋花庵	五〇一
海嶽行吟草十卷附錄一卷	清	劉興樾撰	沔陽	五四九
西農遺稿一卷	清	姚必成撰	金陵叢書	五八五

柳門遺稿一卷.....	清 楊 後撰	金陵叢書 六〇五
遲菴集杜詩一卷.....	清 孫毓汶著	念劬廬 六三五
梅齋詩稿四卷.....	清 畢應辰撰	雲 南 六四五
在莒集一卷.....	清 朱桂模撰	金陵叢書 六七七
屈廬詩集四卷.....	清 鄭知同撰	清代學術 七〇五

2256/08

W1118/08

澹娛

庵稿

白

光緒十九年
癸巳陽月刊

敘

士君子當履涉危苦困心衡慮之際聽其言觀其行一出以冲愉澹泊之致曾不少損其天和者知必懷抱道德足於己不願乎外將無在而不悅仰自適也然其人則往往難之光緒庚寅江陰金公澐生以同轉運使權知赤溪廳事兆鏞居幕府公子仲安復從讀書因又得見公之尊人晴初先生時年八十矣風采岸然嗜飲耽詩一門風雅謳吟之聲相富和先生尤樂就予談每酒

澐龔自娛草

敘

一

酣爲言少壯多故出入兵間繼客皖豫湘楚之交經歷險巇與夫人事叵測言之欷歔駭心實魄顧開出當時一二感事詠懷之作則神致蕭遠紆徐以和若不改其素焉兆鏞蓋心嚮慕之而猶未覩其全也踰年先生歸道山又踰年淮丈香錄遺詩郵寄相示且謂生平知契最深宜爲之序烏虜謫陋如兆鏞豈足以序先生詩哉惟自念頻年憔悴江海騷屑之感耿耿於中不可遏抑學道旣日淺時時痛自咎責讀先生詩前後一軌不啻

鼓琴空山蕭然若無與於世由是瞿然而起憬然稍知所以治心之道洵乎曩所謂懷抱道德者惟先生其庶幾之是不可不紀以告後之讀是編者也先生五十以前詩均燬於兵燹存此兩卷益足寶貴末附仲安詩一卷仲安沈潛篤學於輿地阨塞討究至精閒喜爲詩惜學未成前先生卒兆鏞哀之語淮丈乘其詩附於後撫斯卷猶恍然在海天風雨中一鐙熒熒論文時焉可慨也夫光緒十有九年癸巳二月番禺汪兆鏞

澐龔自娛草

敘

二

金府君家傳

府君諱應澍字晴初晚號澹齋江陰耆舊乾隆元年鴻
詞科刑部主事鑑之曾孫歲貢生捧闈之孫嘉慶己卯
舉人蒙城縣訓導諱次子也生而孝謹事大母蔣淑人
母史淑人中年猶孺子色也父客徐州府君從與平湖
張編修金鑄安陽田太守宏勳結文字交抗稽古之業
久不遇於有司遂弃舉子業游河南宣防大政贊諸侯
計畫時時內交中原老師及知名士道義切磋文酒間

澹齋自娛草

家傳

一

學且大就道光季年奉親教子不欲復出乃咸豐末寇
起江南無完城父卒既葬舉家避地府君赴湖北襄陽
道從子國琛治所逡巡至長沙又十餘年亂定拮据營
繕家室復完投老田間孳孳以家庭手澤鄉井舊聞戰
誓采獲爲事於是先世遺文耆老著書寫定殺青令子
武祥栗香室叢書綱羅散失由江陰而推大之哀然數
十百卷自撰栗香隨筆多識前言往行談藝有淵源亦
數十卷蓋承府君志也武祥官廣東鹽運司運同監鹽

權於廣西梧州府君康疆年七十五就養焉嶺外溫煥
宜老府君杖策登眺賦詩命酒無倦容鄭州大水府君
舊游斥田濟振事

聞旌異建坊梧州偏災亦命武祥振捐者再桂林大吏
入告於

廷府君惕然以爲近名矣入廣州游粵秀山南園悠然
以樂武祥署赤溪同知府君蒞教曰養民曰無畱獄固
少壯游諸公問素所蓄積也光緒十七年六月以微疾

澹齋自娛草

家傳

二

告終赤溪官舍年八十一壽考君子有道佚樂海內不
數觀云府君元配謝孝親好施予能制盛怒課子嚴性
行於府君最近遇亂流徙江北府君以謀食率武祥客
游未歸而謝淑人卒前府君三十年子一武祥孫章國
子監生次孫和少俊著學有詩百篇府君卒之前一月
和先疾沒其婦陸後十日殉夫外年皆二十一歲武祥
有慧女珣者與陸同日病渴外年十七耳時皆未敢告
府君知也所著澹齋醒語及詩詞若干卷

譚獻曰案狀先生生平蹈危者三其一游梁盜要諸路
露白刃霍霍官軍方躡之盜逸其二庚申亂時三吳淪
陷間道出走意外全濟也其三則長沙邸中有狂人持
刃夜入寢斫右臂創甚隕絕而蘇尤意外之變然而同
舍起縛狂人將治之先生茹痛乃曰是必疾耳非有怨
於我可勿治比創合卒不治此狂盛德哉

澹齋自娛草卷上

江陰 金應樹 晴初

同治壬戌六月攜兒子抵南昌小住四旬余將赴

襄陽兒子先赴會昌困苦艱難又復遠別凄然

賦此

地棘天荆裏恩恩記束裝歸懷徒切切前路正茫茫烽
火連年熾田園舉目荒椿庭哀永訣萱閣幸康強力已
衰妻瘁謀從阿妨賊艱難嗟骨肉跋涉飽風霜鐵甕軍

澹齋自娛草

卷上

一

威壯金陵逆倭張同羣憑鳥獸當道避豺狼時鎮江官軍甚盛由

此附舟僱洋人護送波浪驚彭蠡親朋訪豫章悽皇同

客路蹤跡又他鄉江上挂帆去燈前離恨長只求兵革

息偕爾慶高堂

七月二十五日重過九江前附洋船曾泊於此

烽火連年不可留春風相送記江頭同浮彭蠡過長夏

重到潯陽又早秋一水尋源分九派半途滯蹟老孤舟

雲山繚繞頻東望卻悔當時忍遠遊

秋夜途中望月

底事牢騷甚頻驚夜欲闌有家遭蕩析何處問平安卻
怪天邊月偏教客路看幾時重聚首燈下話團圓

中秋夜泊襄陽

清輝五夜浩無邊襄水迢迢路幾千雁自北來猶客後
月從東上在家先不堪烽火連三載有限光陰感百年
回首白雲最深處長空同看一輪圓

鄂中歌

澹齋自娛草

卷上

二

逸亭姪以布政使銜觀察襄陽陳師漢上壬戌
冬忽被左遷聞者扼腕而逸亭怡然自若不以
得失攖懷爰紀其歷年勤勞王事血戰沙場爲
長歌以贈之名曰鄂中歌

君不見古來名將邦家光千秋青史垂煌煌後有作者
令我想望而徬徨昨聞江淮楚漢口碑頌阿威勛業民
不忘溯從幼歲崢嶸露頭角岸序蜚聲爭刮目不愧吾
家千里駒絕塵而奔快騰蹕趨庭石城會昌與浮梁佐

治循良能式穀痛惜先人中道亡况復偏災逢百六拔

劍斫地慨以慷慨然投筆從戎行首出江右功即彰隨

克廣信義甯州暨弋陽咸豐五年姪隨羅忠節公澤南克復江西各郡縣保奏以縣丞

歸部選用鄂中天下必爭地宜以全力扼其疆蒲咸崇通克

四邑勢如破竹銳莫當忠節公上書曾侍郎謂武漢居

因奏派忠節同援武漢姪隨行連克蒲圻咸甯上游胡

崇陽通城進攻武昌于六年保奏賞戴藍翎楊集金口羅公率師次武昌胡文忠公林翼與楊軍門

何期困獸忽反門蠢茲小醜猶披猖撲面一礮中要害

澹齋自娛草 卷上

三

凜然鬚髮目怒張春風風杜宇啼紅血落日孤臣返碧蒼

六年春忠節公圍武昌軍于洪山屢戰皆捷三月羅公

初二公方指揮攻城忽賊礮中公右額遂卒于軍

之軍李公統秣馬厲兵辛苦共樊山鄂渚與齊安遞復

名城屢擒縱忠節殉難後李忠武公續賓接統其軍姪

魯家巷于十一月二十一日復武昌連當年策畫皆諮

克武黃各縣屬七年保奏以知縣選用

商始信士為知已用武漢迅掃烟塵清吳頭楚尾猶連

營鐘山恃險作犄角負隅四載莫敢擾水陸交攻誓滅

此鐵鎖摧折石壘平曾師既靖彭蠡口旋軍遂拔潯陽

先是四年秋賊奪江西戰艦沈塞湖口築壘石鐘山

城為浮梁鎖鎮阻官軍隔岸梅家洲轟礮城環巨礮我

軍仰攻數不利至六年克武昌後忠武率師直搗九江

久不下忠武謂九江賊恃湖口相犄角不拔湖口九江

不可得也乃定計水陸夾攻湖口姪隨同克尋陽江頭

復奏獎以同知直隸州選用並賞換花翎陣雲黯雪色戈鋌血花染皖江轉戰更無前人不能為

李公敢偶貞天侯林啟榮久據九江及七年九月復湖

之礮敢榮珍賊數萬無脫者是泊平十月賊復滋三河

年秋並克太湖潛山桐城舒城深入師行疲一甄兩甄鼓聲死仰天力竭空嗟咄道

君才十倍我軍國大事毋相辭當日感公相屬語潜然

但覺淚如雨躍馬重圍冒矢行欲乞援師救忠武出死

入生急整軍忽傳將星殞天宇皖撫李君孟羣師潰廬

八月也是月克楓香驛小池驛賊巢復太湖乘勝復潛

山遂進搗三河集三河集者廬州要害也賊築城傳以

九壘用悍賊數萬守之三河破然後可進規廬州公時

統八千人自克桐城後令總兵趙克彰率六營守之又

命副將謝永祐守舒城于是所部僅五千人九月二十

八日抵三河破賊九壘忽為英王陳玉成自江浦六合

率大隊來援偽侍王李世賢自廬州糾合捻匪來援

衆十萬連營數十里忠武公連日接戰力竭陣亡哭

澹齋自娛草 卷二

四

幸忠魂照汗青師次黃州姪為殉難從此搗師虎豺窟

諸將士詳請旌卹

旌卹

旌卹

旌卹

旌卹

旌卹

旌卹

旌卹

旌卹

旌卹

何殊疾風掃秋葉衝鋒突騎一劍知屈指戰功百餘捷
大年夏五暑氣蒸三十萬賊攻昭陵援軍雲集等兒戲
諸侯壁上誰縱兵出奇制勝獨其勇投袂而起萬馬騰
乘此精銳一當百會師益陽驚先登九年五月石逆達開攻寶慶府裏窗甚衆號稱數十萬連營百餘里逆首由南靖而來三大
軍援師先後至與賊營交錯相持莫能下胡文忠公調令率師上援與李希庵節使會師益陽先登果
出賊不備扼險居高得地利地利既得當其衝官軍勇
氣百倍雄一重官軍一重賊重重砲聲飛霹靂賊衆我

澹齋自娛草

卷上

五

寡正相逼飛下一軍穿陣入千人萬人都辟易膽落羣
酋皆震懾逐北追奔不遺力掃清南楚是誰績欽隼過
征東復西來如時雨救羣黎亞夫勁旅多嚴肅陶侃成
軍自整齊六月十九日與李公由安化進駐藍田距寶慶府城百四十里督大軍渡資水而西直搗
匡家嶺逆巢掩旂鼓從山背襲之賊大潰東路賊聞並渡資水以拒遂戒各營勿動密調沈副將等出西路爲
橫截之兵毛參將等出後路爲包抄之兵分頭設伏伺賊解縱擊之聲震山谷斬賊無數其毀賊壘柵一百
八十餘座獲賊二萬餘復于七月十二日追勦大戰于賀家坳復追擊于白茅寺沿途殲戮殆盡湘省以次肅
清是役也諸軍雲集李公爲總統而運謀定計姪
之功居多故略頌門中丞以知府道銜保奏 皖江

又報妖氛起凱唱旌旄復東指更向軍前借箸籌決勝
原知在千里雪花如掌天冥冥慘淡兵氣連山凝光寒
鐵甲冷猶著風掣銅鉦凍不鳴慷慨誓師激忠義三軍
挾纊歌同聲三軍踴躍潛師出潛師間道鳥飛疾衝枚
直走天堂山堅冰載途馬蹄脫蹇出賊背批其吭疾雷
掩耳駭不及大呼奮擊無遁逃入蔡軍威允堪匹 天
子聞之顏色歡嘉乃不續催拜官遂由太守擢觀察豸
衣繡斧何桓桓九年冬十二月副都統多隆阿總兵鮑超兩軍趨太湖逆首陳玉成率衆數十

澹齋自娛草

卷上

六

萬來援我軍悉力拒戰賊來日衆圍鮑營數匝聲息不
通時歲暮雨雪姪請於胡文忠公激厲將士以八千人
自松子關攝英山踰潛山之天堂橫出冒大雪憑高築
壘衷賊師而陣賊聞見大懼于是合諸軍夾擊之賊大
潰遂克太湖潛山保 懷桐之賊踞巢穴乘勝進規卽
堪滅兩股賊能聚殲旂何至庚申蔓遺孽潛太克復後姪欲乘勝進
現使賊盡殲于懷桐惜當時未採其議
兵機一鈍金陵潰圍蘇杭繼陷傷哉
一旦金陵忽潰
圍烽煙到處劫灰飛可憐歌舞鶯花地風景蒼涼舉目
非不獨東南半壁全局壞又見楚北羽檄紛交馳十年春黃
破黃安等處 得勝之軍遂援楚子弟八千猛如虎孝德
皆先後陷

據逆猶憑城飛梯飛石一齊舉九攻九設公輪機再懸
再上偃陽取兩月環攻賊計窮絕流而漁穴燠鼠尋分
節鉞駐巖疆總識功高獨勞苦十一年三月初一日姪
威拔其木城初九日克孝感縣遂攻德安府二十三
等日于德安城外鳳凰山南壇山等處築炮台四月初
七日設伏誘賊殺斃多名賊猶堅忍死守復分挖地道
轟城屢坍而賊仍搶堵乃築四面長圍以困之七月十
一日派定隊伍激厲將卒圖大舉部署甫定城賊五六
千冒死突出亟揮諸軍截擊不得入伏兵四合架雲梯
一鼓登斬守陴悍賊數十立將府城克復分兵窮追
斬賊無算泊自德安回軍時胡文忠將易簣猶謂姪勞
苦功高辛秋備兵襄樊中十奏 黼座皆元功峴山高

澹齋自娛草

卷上

七

水瀾瀾千門萬戶生春風克復孝感加按察使銜繼復
放並加布政使銜七月奏署安襄鄖荆兵備道十德安以道員記名請旨簡
月到任旋奉諭旨實授計先後功績共十奏也樊城
自昔擅形勝翔築城垣賴底定兵旣使勞城又成作苦
不辭畚插競從此閭閻獲保全黃童白叟咸相慶經年
棠蔭漢江濱更見德威敷遠近即如今歲七月時越疆
又解南陽圍南陽襄陽本接壤古來唇齒原相依率土
莫非王臣事笑可吟域分兩歧嗚呼守土之官尙如此
試問爾時專閫誰如斯同治元年七月髮逆馬融和等
糾衆五六萬圍逼南陽勢甚猖

猷姪統率馬步督同彭總兵炳武等越境馳援于十六
七兩日大敗賊衆立解城圍奉旨交部從優議敘
老夫私喜阿咸佐王國楚漢江淮頌聲噴嚮用頻邀
聖主知疊奉諭旨統兵勤王長才早荷羣公識
官曾胡駱諸公一見皆無那猜嫌出非意昨宵忽被彈
歎爲濟世才委以重任章議豈謂當年勦賊勤翻成今日移官地爲告江東父
老知逢人莫道功名易我思虞羅難阻鴻鵠翔忌者益
忌名愈揚嗚呼忌者益忌名愈揚君不見千秋青史垂
煌煌

澹齋自娛草

卷一

八

癸亥除夕

萬水千山外身因負米存世間多梗路方寸卽桃源蠟
炬迎新歲魚書斷故園移家乘素願何日奉晨昏

甲子三月朔日抵武昌微病有感

白雲黃鶴已千載今古茫茫百感俱夢裏不知歸路遠
病中更覺客身孤那堪嶺北懷遊子兒子時贊賢可許
州之會昌縣

江南作釣徒流水落花春已暮家山東望幾踟躕

武昌舟次送友

揚帆又向鄂城還

去年秋仲舟過武昌

秋去春來轉瞬間折柳繫

舟鸚鵡埭落花送客鳳凰山彈琴洞口雲千疊吹笛樓

頭月一彎太息征途猶故我何時同與返鄉關

舟抵湘鄉 一名連道又名龍城

書劍飄零壯志銷湘流幾曲路迢迢春風客到龍城地

暮雨舟維雁齒橋鄉思又從三月起天涯更覺一身遙

此邦濟濟多英傑要看中興翊聖朝

贈果亭姪

澹齋自娛草

卷上

九

羨爾他鄉住團圓聚一家青山欣有託白髮笑同華今

古如流水升沈付落花故園何日返重與話桑麻

春柳

萬縷千絲綠正齊徘徊幾度向清溪春江送別懷前渡

曉月登程望遠隄千里尙勞青眼顧一枝定許白頭棲

依依城郭開晴處莫唱陽關最慘悽

乙丑初夏

芙蓉城外是吾家記得春風笑語譁池館當初饒譁語

園林此後正繁華江南遠道憐芳草湘上羈蹤感落花

杜宇聲聲歸去好不堪佳節帶六涯

登長沙城樓

極目城樓入大荒古今人事感滄桑楚王宮殿埋芳草

賈傳祠堂廢夕陽晴放溼雲歸嶽麓風吹花氣渡瀟湘

不堪故國瘡痍甚白髮三年滯異鄉

丙寅重九清曉登嶽麓

清曉渡湘水攜壺登翠微尋碑懷北海採菊思東歸月

澹齋自娛草

卷上

十

落羣雞唱霜高一雁飛炊烟連萬戶紅日上征衣

丁卯早春

朝來旭日喜曛曛萬籟無聲百慮空一夜雨抽春草碧

半溪晴放早梅紅病多養氣逾良藥客久驚心歎轉蓬

差幸親朋同逆旅不須蹙蹙恨途窮

接林至山陸春岩大梁來書卻寄

握別俄驚十九年梁園觴詠聚羣僊如雲往事經千劫

望月他鄉各一天同調何堪嗟契闊衰年更覺意纏綿

春風萬里來芳訊喜極翻疑夢裏傳

開緘如對故人談意氣拳拳轉自慙赤膽君常傳洛下

白頭我未返江南佳音更望來重疊知已從來只二三

他日相逢緣倘假一尊還與酒同酣

水軒卽事

楊柳又依依他鄉筍正肥午晴花競發春暖燕爭歸樂

事天涯徧知心海內稀不妨時展卷此處有真機

送夏書懷

澹齋自娛草

卷上

十一

碧天如水夜遲遲嶽麓山邊起客思院靜露侵人未覺

樓高秋到月先知能澆磈礫除非酒欲寫衷懷只有詩

回首衡茅歸未得湘江何日掛帆時

戊辰春仲偶成

澹蘭沉芷足婆娑轉瞬流光七載過客怯夜寒嫌酒少

鳥喧春曉識晴多愁來惟有頻敲句老至何妨偶放歌

今古茫茫同一轍憑他日日醉顏酡

奉家兄里門來書

字字披肝意倍親開緘尙喜墨痕新深規後輩謀偏遠

勉紹先型志好伸千古功名猶易得一家孝友最難

真渭陽忽憶平津館宅相還欣有替人

孫淵如先生爲金氏甥與先

君中表行來書言外孫鄒嘉來勤學能文故以此期之

驚心烽火重行行夢影迷離憶未清七載春風離別意

一封尺素弟兄情吳山東望添鄉思楚水南來溯客程

卻笑今生磨蠍盡幾時雁序快相迎

縱筆

澹齋自娛草

卷上

十二

幾輩投詩弔汨羅鍾靈衡嶽指嵯峨地多勝迹游難徧

人到衰齡飲易醺功業可留身後少光陰虛擲客中多

試看終古英雄事只付漁樵一浩歌

迎到春歸又送春年年鏡裏鬢絲新銜盃却喜來今雨

開卷常慙對古人舊事有情頻入夢好花無處不爲鄰

平生眼底多興替何必名園寄此身

左右有園每遇春晴輒同人游賞

閏四月四日兒子來洲省視八月三日返江右詩

以送之

七年父子苦離別一朝相見各歡悅嚴父翻作慈母心
依依膝下情彌親望汝功名且由後骨肉何時長聚首
慨然東望歌式微囊空欲歸不得歸我年六十汝三十
勉旃好把家聲立今尙窮愁各一方面在江右吾三湘
湘水迢迢又送汝揮手相看淚如雨相看客邸太恩慙
何如前日不相逢相逢客邸情切切如何今日又離別
雨中送兒子登舟

七載纔逢喜不禁十旬聚首太駸駸雨聲却共湘流遠

澹齋自娛草 卷上

三

離恨徧留嶽色深期汝壯年酬遠志祇余客况付長吟
當時欲語皆無語流水橋邊萬里心

大西門外有流水橋

中秋前二日送別作

客中送客黯離愁難繫天涯不繫舟水複山重懷遠道
月明露冷待中秋三湘聚首同輕別千里相思各倦遊
祇我衰遲誇健在幾時荷耒服先疇

別秋燕

秋雨秋風已斷腸更憐去燕繞空梁故園花底曾相識

老客樽前轉自傷今又歸來今又別爲誰辛苦爲誰忙
若逢舊主還家後待汝年年到草堂

己巳元旦

爆竹聲中轉斗杓側身天地故鄉遙欣看雲物占豐歲
定有忠良翊聖朝老健方知天意厚亂平更慮世風
澆起來枕上留歸夢先去焚香謝九霄

春日感懷

江山遞今古一覽放懷寬功可傳名易才兼有德難春

澹齋自娛草 卷上

南

風如戀客舊雨竟辭官愛聽斜陽外漁歌起渺漫

只爲稻梁資拌教骨肉離八年雙鬢改萬里一身羈早

燕營巢急春蠶作繭遲杜陵差足幸垂老中興時

正月至三月陰雨遣悶

郵寄兒子蓮花廳幕

東風無力轉晴和日口涖噴噴奈何三月未曾花下醉

一春偏向雨中過素心難得同鄉聚

謂陳春珊孝廉字益舊事難

忘客路多寄語天涯遠遊子莫教芳歲付蹉跎

祝黃素庵大令七十壽時己巳七月初五

德門舊口仰清華刺史循聲冀北誇

尊市宣之直判官直隸牧令數十年

政聲

卓著三世琴堂欣有子

令嗣慕韓以知縣用加同知半銜現署辰州府沅陵縣丞

生宦海尚無家七旬蔗境期願卜八邑棠陰歲月賒何

日東歸娛晚景一尊相對話桑麻

庚午正月十五

忽忽已花甲仍憐作客身元宵一樽酒湘水十年春明

月認前度清風懷故人窗梅開也未好報歲華新

三月二十四日有懷作

澹齋自娛草

卷上

五

回首趨庭日祥光聚一門春烟多翠色夜雨長苔痕

此聯

幼年所作後起幸無恙詒謀欣尚存兒年剛六十白

髮溯淵源

六月四日爲余六十初度魏盤仲刺史

彥劉申甫

太守

俊姚彥嘉通守

嶽望

徐然明上舍先後各

以肴酒爲祝是月魏赴蘇姚赴鄂徐赴岳州卽

席口占誌別

六秩筵開六月天荷花香氣送樽前客中難得逢知己

湘上何緣會衆仙詎料各懷投筆去卻看誰是著鞭先

座間似我頽然醉願其忘年祝大年

辛未元旦口占

醉倒屠蘇酒醺然樂有餘卻忘今老矣無計早歸歟白

首心猶穉青雲志未舒詒謀告孫子大業在詩書

善化令盛樸人司馬

廣

元宵張燈招飲賦謝

梓鄉底事會羣仙報道新春月正圓難得使君分鶴俸

卻教元夜啟華筵嘉賓賢主高千古綠酒紅燈又一年

澹齋自娛草

卷上

六

我是白頭湘上客愧承禮意更纏綿

辛未十月見燕感懷

何事小春燕差池振羽翰炎涼今已閱興替肯曾觀江

上家仍在天涯歲欲闌新巢知早就待我聚團圓

壬申元旦

昨歲小陽春祥光徧里門一封書寄我十月喜添孫幸

有詒謀在當思先澤存明年賦歸去情話快開樽

用孟襄陽春曉五截韻二首

江南夢迴曉客似倦飛鳥春水碧於油底事歸舟少
地僻不知曉起聽枝頭鳥蕭然別有天閒庭人迹少

接徐然明上舍書口占復寄

家居思作客客久又思家勸爾言非泛嗟予髮早華艱
難悲亂後筆墨笑生涯能否重陽日同歸就菊花

癸酉送陸存陔通守光遠歸里並寄家書

江水三千客路長客中送客各徬徨江南親友如相問
春暖花香聚草堂

澹齋自娛草

卷上

七

客中積思成夢詩以誌之

不堪雙鬢已成絲久客難歸事可知無數興衰經眼過
老年記取少年時

甲戌湘上卽事

白髮嬉春日紅顏醉酒時病多思舊里事少積新詩倦
鳥飛難定寒梅放較遲欲歸歸未得計拙有誰知

麗泉姪到湘需次賦贈

十餘年別一相逢握手談心憶舊容忽忽妙齡成壯歲

茫茫往事感離蹤人從客久情逾淡官到場時興自濃
我正言歸汝方到雲山疊疊意重重

四月初二日偕錢子宣大令自長沙啟程旋里

十載羈湘兩鬢華輕裝細雨出長沙半帆紅日催歸客
一路青山送到家江上忍攀新種柳籬邊待看故園花
同舟琴鶴增行色情話逢窗興倍賒

舟泊金陵

此地昔曾過驚心賊據關青山悲亂後白首慶生還流

澹齋自娛草

卷上

末

水十年事歸雲千里閒舉杯佳節近且喜醉開顏

五月四日抵里喜賦七律四章

說到歸興喜欲狂青春作伴好還鄉迢迢遠客三千里
忽忽離家十二霜水漲湘江辭嶽麓雲開廬阜下潯陽
船頭一笑蒲帆駛坐看金焦兩點蒼

蒲綠榴紅節序新到家恰喜趁良辰衰年倍覺還鄉樂
和氣都成滿室春堂構重開綿世澤弟昆相見話天倫
最憐學語桐孫小也解迎門笑舞頻